

यूहन्नाकी टिवु यिकी डियवा

दी थेपकी कोर्ला

दी यूहन्नाकी टिवु यिकी डियवा ति चर्चकी गेकेनकी पुम्पेजा ताड तीकी पुज्युड पुमतिवाला टिवु यिन। तीकी तेन्दोक ति यूहन्नाकी तेकी चर्चकी मीतिवाला सिक्खावु यिन। दी लेन थिर्मे ति च्यिककी च्यिकला डियड्ये कि सिनी गोड्बा शोपला ताड गेकेन मेटेड्बु ताड तिवी लापुप येन्देन नेसुर च्याड्से दे ज्यितुपला टिवु यिन।

मुला राड वोतुप लोप्येनतिवा

- यूहन्नाकी डोशी १-३
- खक्छ्येवु डियड्ये ४-६
- येन्देन मेटेड्बु नेसुर च्याड्से देतुप ७-११
- सिन्दा क्यावु १२-१३

१ ड चर्चला गोमा कितुप मी छ्येकी छ्योक नेसुर कोन्छ्योककी पेन नङ्गुप आम्पुम ताड तीकी पुज्युडपुमतिवाला दी यिकी ति टिवु यिनो। वुतुड के ड ख्यिराडला ड्यिङ्ज्ये कितिन। ड तिराड मिन, यिने कोन्छ्योककी सुड टेङ्बु काड यिन सिनी हाक्कोवु मीतिवा तेरीकी साड ड्यिङ्ज्ये कितो। २ड्यिरा ख्यिराडला ड्यिङ्ज्ये क्यावु तेन्दोक ति कोन्छ्योककी सुड टेङ्बु ति तन्दा तिराड मिन, नरी सेक दाक्पी सेमला लुवु तप्की यिन।

३दाक्पु कोन्छ्योककी ड्यिङ्ज्ये ताड टेङ्बु काड यिन सिनी हाक्कोवु तिवाला पपा कोन्छ्योक ताड खोकी सेवु येशू ख्रीष्ट नेसुर कटिन ताड च्यम्बा ताड लोदिमु ति नरी वुङ्शी।

टेङ्बु ताड ड्यिङ्ज्ये

४ख्योरो पुज्युडपुमतिवा ललाइ ललाइ पपा कोन्छ्योककी नङ्गुप कला वोतुप दोके क्यानी खोकी सुड टेङ्बुला युवु ति ड्यिरा हाक्कोसुड। तुक क्यानी ड्यिराडला छासे गा लानी वोतो। ५ओ पुमो, त याड ख्युरुडला डे क सम्बा टिवु मिन, तोड नेज्यु वोतुप क ड्यिङ्बा राड टिवु यिनो। दाक्पु च्यिककी च्यिकला ड्यिङ्ज्ये कितुप सिनी ड ख्युरुडला गोङ्बा शोयिनो। ६ती ड्यिङ्ज्ये ति काड यिन सिसिन दाक्पु खोकी सुडला युक्पु यिन। ती

क ति ख्योरो तोड नेज्यु थोवु साड यिन। ख्युरुड ति कला वोतुप दोके ड्यिङ्ज्ये कि गोकिवी।

७दी जम्बुलिडला जिनोक जोप मीतिवा बडी वा वे। तिवी येशू ख्रीष्ट मी जुजमला फेवु यिन सिनी मी मिङ्गाला मिसिरी। तुका मीतिवा जिनोक जोप ताड ख्रीष्टकी तेन्दोकला लङ्गुप मी यिन। ८च्याङ्से देता, ख्यिराड काडगी थोक्ला लाका किवे, ती ति ख्यिरा तोर ज्यितुप मिन, यिने तिङ्ला कोन्छ्योककी नङ्गुप छ्यक्तक तेरी थोपुप वुड गोकितो। ९ख्रीष्टकी सुङ्गुप कला मुयुकुप ताड डेकला मेदेवु मीतिवी मुला कोन्छ्योक मेवी, यिने खोकी नङ्गुप सुङ्गला हम क्यानी देतुप मीतिवी मुला कोन्छ्योक ताड खोकी सेवु ड्यिकर ज्युकिवी। १०दोजो मी ललाइ ख्योरो ते वानी येशूकी नङ्गुप दोके येन्देन मेतेर्वी सिसिन तिवाला खाङ्बा साड गासो माशु, टसी देलेक साड मासिर। ११च्यिलासिसिन तुका मीला टसी देलेक सिक्यासिन दाक्पु साड दुक्टाकी लाकाला राड शुवु यिन। १२ख्यिराडला डे टिक गोवु ताम्डे याड बडी वे, यिने शु ताड नक्ची थ्वोनी तिराड मिन, दाक्पुला वुतुड के गा ताड लोदिमु वुङ्शी सिनी ख्यिराड ताड मुला ठेनी ताम्डे कितुप नो वे। १३यम्बा चर्चकी तेपा कितुप मीतिवी साड ख्यिराडला टसी देलेक सिनी तड वोतो।